



庶物異名疏卷十八目錄

穀部

答堇

鹽鑽

重思

芭

衆

彫蓬

青科

東膺

戎叔

繁田胡

纍

應累

答

蜂夔

來牟

纂

守氣

導

滯穗

晉淖

飛明

青襄

角果

白穉

糠覈

紅水

黃

稔

穉

巨勝

嘉蔬

解蠡

迦師

黃茂

耗

庶物異名疏卷十八

穀部

答董

樵李陳懋仁無功著

穆天子傳黑水之阿爰有答董西膜之所謂木禾也郭璞曰木禾粟類長五尋大五圍

鹽鑽

鹽鑽梁也魏文帝嘗以鹽鑽爲粥粒如蠅子

重思

重思艷都山稻名米如石榴子粒稍大味如菱  
杜瓊作重思賦曰霏霏春暮一作秋雨碧一作翠  
矣重思雲一作靈氣交被嘉穀應時四節既享祝  
人以祀神禾鬱乎浩京巨穗橫我玄臺爰有明  
祥帝者以熙

芭

詩維糜維芭起注糜赤梁粟芭白梁粟也爾雅  
芭白苗郭云好穀健爲舍人曰是夷齊所食首  
陽草也

衆

衆終秣也粘粟也可以釀酒見爾雅

彫蓬

青科

彫蓬卽菱米可作飯楊升庵云蓬有二種彫蓬  
乃水蓬彫菘是也黍蓬乃旱蓬青科是也青科  
結實如黍甞人食之今松州有焉

東廡

東廡牆似稌可作白酒見魏書出島桓地廣志  
謂東廡子似葵青黑色

戎叔

天文志正月旦決八風西北戎叔為成也爾雅戎叔謂之荏菽胡豆也孫炎云大豆也菽之小者名藿一曰藿菽之葉也

繁田胡

大戴禮繁田胡者繁母也繁萬物也皆豆實也

累

應累

累今之虎豆狸豆之屬一名滕音誅卽是物也見郭璞注吳氏本草曰小豆花一名應累

答

降獲

答小豆也胡豆降

降獲雙

也見廣雅

來牟

詩貽我來牟類考云來牟一物惟廣雅以薺為大麥來為小麥按說文云來周之所受瑞麥薺一來二縫象芒束之形天所來也則來薺不應為二物然則來薺為大麥明矣仁按爾雅大麥薺小麥秣廣雅本此為二物亦明

繫

纂牽按爾雅稷冀州謂之纂

守氣

爾雅云皇守田郭璞云一名守氣生廢田中似燕麥如彫胡可食

導

封禪書曰導一莖六穗於庖索隱曰鄭德云導擇也說文導禾也字林云禾一莖六穗之導也

滯穗

北夢瑣言唐相國韋公宙善治生江陵府東有

別業良田美產最為膏腴而積稻如坻皆為滯穗

晉淖

晉淖黍稷也見儀禮

飛明

拾遺記飛明麻葉黑實如玉風吹之如塵亦名

明塵麻

青囊

抱朴子胡麻一名方莖服餌不老耐風濕其葉

名青襄

角果

梵文以大小豆等為角果

白稷

白稷意稻名五音篇作糗

糠覈

史記陳平嫂嫉平曰亦食糠覈耳崔駰按孟康曰麥中不破者仁謂覈實之覈乃糠之覆羅一過極粗者一曰小麥屑之覈謂之麩蘇果反

紅水

拾遺記東極之東有倒葉麻葉如苣色紅紫亦名紅水麻言水麻乃有實食之顏色潔白

黃

黃麻子一名麻勃

稔

稔說文云糜也廣韻稔稔實也

穉

穉麥名吳都賦穉秀菰穗

巨勝

巨勝胡麻之黑者一葉兩莢莖圓或曰方四角四稜亦曰八稜見爾雅翼

嘉蔬

曲禮祭宗之禮稻曰嘉蔬

解蠡

解蠡薏苡仁也又名芑見本草經注云其葉似蠡實葉而解散又似芑黍之苗故有解蠡芑實之名續博物志薏苡一名斡珠

迦師

翻譯名義集云迦師後堂云唐言錯麥慈和云北人呼爲藿麥南人呼爲雀麥南泉抄以錯麥爲大麥十誦指迦師爲小麥飯事鈔錯麥與迦師一物也

黃茂

古雋黃茂穀也

秬

說文秬稻屬伊尹曰飯之美者玄山之禾南海



之耗呼到切

庶物異名疏卷十九目錄

果部

隈支

優曇鉢

阿駟

答逖

南威

味諫

木威

候闐

土翁

猴總

多南

王壇

三廉

駁

蓂

莢穉

黎朦

櫓罟

部諦

羅晃

特乃

不納

日頭

塔骨

俺拔

的

惹

雨草

毗野

歌畢佗

偏朴

候騷

玉紅

唐藜

昧履支

直牛

鬱

劉杙

楊槩

白羅

杜

蹙咨

槭

躡泄

楊徹

木蜜

遵

洗

嬰奧

駭栗

菜蝟

山躑躅

鬼目

比目

益智

革挈

鈎藤

菰

水芝

金敘

上芝

楸

蒟子

崖蜜

蠹薺

阿駟

底珍

脊耶

亲

蝦蟇

飛穰

桐乳

隱夫

丹若

塗林

日給

龍蹄

獸掌

龍膽

蒲蛤

狸首

鳧苳

符訾

含消

臘兒

乾腊

青登

黑檜

來禽

楹棹

庵羅

庶物異名疏卷十九

檇李陳懋仁無功著

果部

隈支

益州方物圖云隈支生邛州山谷中樹高丈餘  
枝修而弱開白花實大如雀卵狀如荔支肉黃  
膚甘

優曇鉢

阿駟

本草綱目注無花果凡數種此乃映日果即廣

庶物異名疏

卷十九果部

中所謂優曇鉢及波斯所謂阿駟也

荅選

荅選似李出蜀中見張楫上林賦注

南威

味諫

木威

太平廣記橄欖一名南威吳錄地里志高涼安寧縣餘甘初食之味苦後口中更甘故山谷詩注餘甘名味諫臨海異物志子如梭形餘甘橄欖同一木也又廣州記木威高丈餘子如橄欖而堅削去皮以為棹西陽雜俎云珠崖橄欖獨

報枝東向日木威南向曰橄欖

候闔

候闔子如指頭大味苦可食

土翁

土翁子如漆子大熟時甜酸色青黑

猴總

猴總子如指大與柿相似其味不減於柿

多南

多南子如指大色紫味甘與梅子相似晉安候

官界中有之俱見臨海異物志

王壇

揚都賦王壇丹橘臨海異物志王壇子如棗大味甘晉安侯官越王祭壇邊有之此果不知其名因見生處遂名王壇其形小於龍眼有似木瓜七月熟甘美也

三廉

臨海異物志三廉大實不但三雖各三廉或有四五六枝食之多汁味酸且甘藏之尤好與衆

果相參

駮

爾雅云駮赤李郭璞曰子赤

葎

方言葎

葎

雞頭也北燕謂之葎青徐淮泗之間

謂之芡南楚江湘之間謂之雞頭或謂之鴈頭

或謂之烏頭古今注云葉似荷而大葉上感衄

如沸實有芒刺其裏如珠莊子謂之雞壅周禮

注一名鴻頭昌黎詩鴻頭刺芡實山谷詩剖蚌

煑鴻頭

煑穞

韻學集成云煑

巴一作煑穞

矩之果其狀請屈按本

草樹徑尺葉似桑柘子作房似珊瑚棧在其端  
卽煑穞也煑穞屈曲不伸之貌故廣韻謂之曲  
枝果

黎朦

黎朦子如大梅復似小橘味極酸

槽罌

槽罌子大如半升梳諦視之數十房攢聚成毬  
每房有縫冬生青至夏紅破其瓣食之微甘

部諦

部諦子色黃如大石榴

羅晃

羅晃子如橄欖其皮七重

特乃

特乃子狀似榧而圓長端正

不納

不納子似黃熟小梅絕易爛爛卽破肉附核可爲經珠似菩提子

日頭

日頭子狀如櫻桃色如蒲桃穗

塔骨

塔骨子匾如大橘皮裏空虛黎膠而下俱見桂海虞衡志

俺拔

俺拔如消梨稍長香冽去其皮可食出蘇門答

刺國

的一名湖目惹

雨草

爾雅蓮中的謂蓮子也的中惹謂子中心也陸璣疏云蓮青皮懷白子曰的的中有青爲惹味正苦故里語云苦如惹是也六朝人房叔道知湖目湖目蓮子也師曠曰歲欲雨雨草先生雨草藕也

毗野

毗野嘉果也實如楮產真臘

度物異名疏

卷十九果部

歌畢佗

歌畢佗實似李產真臘

偏朴

偏朴果名暹羅貢物有萬年棗偏朴俱見裔乘  
侯騷

廣志侯騷蔓生如雞卵既甘且冷輕身消酒又  
名藟子藤齊民要術云藟子藤生緣樹木實如  
梨赤如雞冠核如魚鱗取生食之淡泊甘苦蕭  
子雲賦長卿晚翠藟子秋紅用此楊升庵說藟

子而不及侯騷蓋未攷廣志耳

玉紅

尸子崑崙之墟玉紅之草生焉食其一實而醉  
臥三百歲而後寤

蓆藪

本草蜀椒一名蓆藪生武都川谷及巴郡八月  
采實

昧履支

酉陽雜俎云胡椒出摩伽陁國呼爲昧履支



直牛

洛陽伽藍記白馬寺柰重七斤又有大榴京師曰白馬甜榴一名直牛

鬱

爾雅翼鬱實大如李正赤食之甜毛詩義問曰樹高五六尺禮記疏鬱一名車下李一名夫柎地一名莫一名鬱梅

劉杙

爾雅疏劉一名劉杙乙注云劉生山中實如梨

酢甜核堅出交趾南方草木狀云劉三月花七八月熟色黃味酢

楊棧

白羅

爾雅棧羅毛詩疏義曰楊棧一名赤羅一名山梨今人謂之楊棧其實如梨但實甘小異耳其文細蜜如羅故名赤羅又有白羅皆文木赤羅文棘白羅文緩廣志云子似梨大如杏陸璣疏一名鹿梨一名鼠梨極有脆美者亦如梨之味

杜

齊民要術凡種梨十子唯二子生梨餘皆生杜  
感咨

廣志梁國夫人棗大白棗名曰感咨小核多肌

棧

躡泄

楊徹

爾雅槭酸棗樹小實酢躡

歲

泄

一曰

苦棗楊徹

齊棗郭注未詳

木蜜

木蜜棗子也見太平廣記

遵

爾雅郭注實小而圓紫黑色今呼為羊矢棗  
昔愛羊棗即遵也

洗

洗大棗見爾雅郭注今河東猗氏縣出大如雞

卵

嬰奧

刊謬正俗云嬰奧陶弘景注本草云蒲桃作酒  
云用其膠汁又說是江南嬰奧恐如北土枳之  
類橘耳按蒲桃酒即多聚而釀之安得膠事嬰

奧蒲桃種類殊別江南自是蒲萄北土兼有嬰  
奧斯則非一物明矣

駭栗

菜蝟

東觀書曰駭栗蓬轉益今栗房秋熟罅發其實  
驚駭如爆去根榦甚遠所謂駭栗其以此歟  
雅曰栗有菜蝟自裹菜蝟栗房也

山躑躅

韻學曰山石榴一名山躑躅有草名躑躅者見  
草部

鬼目

廣志鬼目似梅交州記曰樹似棠梨葉似楮皮  
白樹高大如木瓜而小邪傾不周正味酸九月  
熟

比目

益智

吳氏本草云龍眼一名比目廣雅云益智龍眼  
也

葷挈

鈎藤

鄭玄云葷挈王瓜也呂覽孟夏王善生注云善  
疾物異名疏

卷十九果部

或作瓜甜瓜本草作芡契栝樓根一名地樓一  
名果羸一名天瓜一名澤姑實名王瓜郭璞云  
土瓜自謂之鈎藤

菝

水芝

金敘

土芝

廣雅冬瓜菝及也水芝瓜也其子謂之瓢廣州  
記有瓜冬熟號為金敘味乃甘美本草瓜一名  
土芝龍魚河圖曰瓜有兩鼻者殺人

楸

爾雅楸

毛

木瓜詩疏木瓜美木可食故郭璞云

實如小瓜酢可食是水經注魚復縣地多木  
瓜樹子大如丸白黃實甚苦廣志云木瓜子可  
藏長一尺百二十節三國典略云木瓜灰毒魚  
魚皆死浮出

蒟子

羅浮山疏山檳榔一名蒟子榦似蔗葉類柞一  
藁十餘榦每榦生十房房底數百子四月采樹  
似柝欄生日南者與檳榔同狀五月熟長寸餘

崖蜜

鬼谷子云櫻桃一名崖蜜太平廣記石櫻桃也  
呂氏本草一名麥英東坡詩待得餘甘回齒頰  
已輸崖蜜十分甜餘甘橄欖也戴氏鼠璞云讀  
南海志崖蜜子殼薄味甘雖不知與櫻桃為  
物與否要其類也

蠶薺

蠶薺子如彈魏武帝食品云

阿駟

底珍

酉陽雜俎云阿駟波斯國呼為阿駟拂林國呼

為底珍樹長丈四五枝葉繁茂葉有五出似柶  
麻無花而實實色赤類柶子味似乾柿而一月

一作一熟年

胥耶

胥耶見上林賦或作胥餘卽椰子也南方草木  
狀云相傳林邑王與越王有怨使刺客乘其醉  
取其首懸於樹化為椰子其核猶有兩眼故俗  
謂之越王頭而其漿猶如酒也

亲

本草圖經云桂陽有栗親而叢生實大如杏子  
中仁皮子與栗無異但差小耳又有奧栗皆與  
栗同圓而細云卽栗也按說文以榛爲木而栗  
爲果然則山有榛之榛當作栗而樹之榛栗宜  
爲榛矣

蝦蟆

草木子胡桃人曰蝦蟆

飛穰

鈕滔母孫瓊與定夫人書此中果有胡桃飛穰

出自南州胡桃本生西羌外剛內柔甘質似古  
賢欲以奉貢藝海河酌云飛穰一名佛手柑

桐乳

說櫟云青桐子生橐鄂間如乳曰桐乳莊子桐  
乳致巢是也庾信詩草銜長帶桐垂細乳又井  
梧曉寒千乳結茗園春嫩一旗開

隱夫

上林賦隱夫莫棣苔逖離支注隱夫未詳苔逖  
見前

丹若

酉陽雜俎石榴一名丹若續酉陽云衛公言石榴甜者謂之天漿本草綱目注道家書以榴為三尸酒三尸蟲得此果則醉故范成大詩玉池咽清肥三彭跡如掃三彭三尸之姓也居人身中伺察功罪每庚申日籍於上帝故學仙者先絕三彭則神仙可得

塗林

陸機與弟書張騫為漢使外國十八年得塗林

塗林安石榴也

日給

右軍帖有日給子杜恕篤論其華與柰相似傅玄云舜花亦名日給

龍蹄

獸掌

廣雅龍蹄獸掌瓜屬也

龍膽

嵇含瓜賦甘瓜晉植用薦神祇其名龍膽其味亦奇是謂土芝

蒲鴿

狸首

蒲鴿狸首皆瓜名見韻府

鳧苾

符訾

鳧苾見爾雅生下田苗似龍鬚而細根如指頭  
黑色可食一名芍一名葶薺後漢書作符訾

舍消

三秦記漢武帝有名園曰御宿有大梨如五升  
碗各含消

臘兒

說櫟建業間園下種曰蜜艾枇杷曰臘兒

乾腊

山海經雲山之上其實乾腊郭璞云乾腊梅也

青登

廣志陽城御瓜有青登之名大如三斗魁

黑檮

來禽

廣志林檎似赤柰子亦名黑檮又名來禽言味  
甘熟則來禽也來禽亦見右軍帖

搯梓



菽園雜記陝西有木實名搵梓肉色似桃而上  
下平正如柿其氣甚香其味酸澁以蜜制之歲  
爲進貢然終非佳味太監王敏鎮守陝西始奏  
罷之省費頗多

### 庵羅

翻譯名義集曰庵羅園闡義云庵羅是果樹之  
各其果似桃或云似柰此樹開華華生一女國  
人嘆異以園封之園旣屬女女人守護故名庵  
羅樹園

終

## 庶物異名疏卷二十目錄

### 蔬部

御温

穰菜

豈

紫萸

嘉樹

葷菜

興渠

葱沫

嬾人菜

碧狼

蕝

綸

竹萌

筒蘆

鷄腔

游胡

莫

酸迷

乾絳

茂子

唐

葵

菘蔬

雹葵

綠

卷耳

懷風

勞祖

苦蕒

析目

榮冥

頗陵

殿優

月爾

托盧

天精

菜伯

和事草

空亭液

慈謀勒

繁露

垂水

茗饒

翹搖

躡躡

蹲鴟

青烏

黃獨

玉延

祝餘

馗厨

接余

玉版

燕蓐蔬

庶物異名疏卷二十

蔬部

檇李陳懋仁無功著

御温

穰菜

援神契薑御温菜也方言曰薑之小者謂之穰菜

莖

呂覽云菜之美有雲夢之莖

潰豈二音

紫莢

紫莢軟見本草釋名海篇莢木耳也

嘉樹

呂覽餘瞽之南有菜名嘉樹其葉碧

葷菜

管子曰瓜瓠葷菜不備國之貧也說文曰蒜之美雲蘿之葷菜蒼頡篇云葷辛菜也凡物辛臭者皆曰葷

興渠

梵網經五辛菜大蒜茗格葱葱葱蘭葱興渠應

法師云此方無故不翻合論云此方以胡荽稱之仁按爾雅茗葱細莖大葉翻譯名義集云興渠訛也應法師此云少正云興宜出烏茶娑他那國彼人所常食此方相傳為芸臺者非也此是樹汁似桃膠西國取之以置食中今阿魏是也葱愍三藏云根如蘿蔔出土辛臭葱愍冬到彼土不見其苗

葱淙

葱淙世蒸葱也曲禮葱淙處未謂之邊際

嬾人菜

嬾人菜韭也一種而久以不須歲種故名說文云字象形在一之上地也

碧狼

漢武內傳西王母曰仙人上藥有碧狼菜

蕤

武夷行酒命食其曰蕤允卽水苔也

綸

通志云綸鹿角菜組海中苔綸組之色似之也

綸一作細山韻音關

竹萌

筒

薤

爾雅筍竹萌呂覽味之美者越駱之筒萌贊寧

筍譜筍一名萌一名薤卷一名苗說文

云竹胎郭璞云今江東呼蘆筍爲薤又名雛

鷄腔

齊民要術鷄腔竹名也其筍肥美

游胡

大戴禮繫游胡游胡滂渤也爾雅謂之由胡亦

謂之幡蒿也香美可食又可蒸爲菹一名游胡  
北海謂之滂渤郭云未詳

莫

酸迷

乾絳

茂子

詩言采其莫草木疏莫董菜也莖大如箸亦節  
一節三葉如柳葉厚而長有毛刺味酸而滑五  
方通謂之酸迷冀州謂之乾絳吳越呼爲茂子  
子如楮實而紅始生可生食又可作羹

唐

詩爰采唐矣傳唐蒙菜名

葵

菘蔬

雹葵

爾雅葵

要

蘆菹方言云蘆菹東晉謂之菘

菘

蔬

達

廣志云蘆菹別名雹葵雲南記名諸侯菜釋

名云紫花菘似蕪菁之大根俗呼爲雹突一日  
蘆菹今訛呼爲蘿葡魏夫人帖膾土酥如練杜  
詩金城淨如練土酥蘆菹也

綠

詩終朝采綠鄭箋綠王芻易得之菜也

卷耳

庶物異名疏

卷二十蔬部

四

詩正義曰卷耳苓耳廣雅泉耳亦云胡泉江東呼常泉形似鼠耳叢生似盤陸璣云葉青白色似胡荽白華細莖蔓生可煮爲茹四月中生子如婦人耳瑤幽州謂之爵耳是也爾雅翼云卷耳幽冀謂之檀菜或謂之常思菜一名菴離騷所謂資菴菴以盈室是也

### 懷風

西京雜記苜蓿一名懷風或謂之光風茂陵人謂之連枝草韻學一名可爲菜苜蓿胡中菜張

騫得之西戎仁過臨濟間見其花紫而長初枝可作羹和麩花已則刈送驢前矣時乾燠諸禾悉稿惟此獨茂何大復詩沙寒苜蓿短以其惡水也

### 勞祖

吳氏本草芥菹一名水蘇一名勞祖

### 苦蕒

晉安帝義熙二年有苦蕒菜生揚武將軍營士家莖高四尺六寸廣三尺二寸厚三寸識者以

為苦費者買勤苦也是後歲多征伐百姓勞苦是買苦也

析目 榮冥

爾雅荇大薺吳氏本草荇莫一名析目一名榮冥一名馬駒

頗陵

劉禹錫嘉話菠薐本頗陵語訛耳種自頗陵國來一人呼為菠菜唐書云葉似紅葉實如蒺藜殿優

南方草木狀合浦有菜名殿優以豆醬汁茹食芳好

月爾

爾雅藜月爾注紫藜也似蕨可食疏藜一名月爾可食之菜也

托盧 天精

抱朴子家菜一名托盧或名天精

菜伯 和事草 空亭液

本草綱目葱一名菜伯一名和事草諸味皆宜

故云菜伯和事石藥爾雅葱涕一名空亭液

慈謀勒

開寶本草蒔蘿一名慈謀勒

繁露

爾雅蔞葵繁露也一名承露本草綱目注一名落葵其葉最能承露其子垂垂如綴露故得名考工記大圭長三尺杼上終葵首注云齊人謂椎曰終葵圭首六寸爲椎然則此菜亦以其葉似椎首而名之乎

垂水

爾雅垂水薇草生水旁面枝葉垂於水故名垂水也陳藏器云葉似萍三秦記云夷齊食之三年顏色不異武王戒之不食而死

苕饒

翹搖

草木魚蟲疏苕苕饒也幽州人謂之翹饒夏生莖如勞豆而細葉似蒺藜而青其莖葉綠色可食如山豆藿<sub>豆</sub>也本草拾遺作翹搖蔓生細葉紫花可食



鼯鼯

鼯鼯草名詩魯頌疏于寶云韻藻謂卽蓴菜又名水戾卽茆也

蹲鴟

卓氏云岷山之下野有蹲鴟至死不饑荊州記羊山有蹲鴟如兩斛大食之終身能不饑顏氏家訓云江南一權貴讀誤本蜀都賦注解蹲鴟芋也乃爲芋字人饋羊肉答書云損惠蹲鴟舉朝驚駭不解字義久後尋跡方知如此

青島

廣雅青島芋名

黃獨

蘇恭本草云土卵似小芋肉白皮黃梁漢人名爲黃獨墨客揮犀云杜詩黃獨無苗山雪盛黃獨芋魁小者耳而俗人易曰黃精子美流離亦未作道人劔客食黃精也

玉延

吳晉曰薯蕷一名諸薯秦楚名玉延宗奭曰薯

蕷因唐代宗名預避諱改爲薯藥又因宋英宗名署改爲山藥盡失當日本名恐歲久以山藥爲別物故詳著之疏食譜玉延云山有靈藥錄于仙方削數片玉漬百花香仁于後泉南多薯蕷肉白皮紅山藥則皮黃較其肉實而淡遠非山藥之味土人視爲窶賤充腸之物故知薯蕷山藥本兩種爽言別物非也

### 祝餘

山海經祝餘生招搖之山狀如韭而青花食之

不饑郭璞云祝餘或作桂茶

### 馘厨

馘厨郭璞云地蕈也似蓋今江東各土菌亦馘厨可啖之

### 接余

詩參差荇菜傳荇接余也爾雅曰荇接余其葉苻苻菜一名接余苻與杏同亦或謂之鳧葵叢生水中莖如釵股葉在莖端隨水淺深陸璣云接余白莖葉紫赤色正圓莖寸餘浮水上根在

水底上青下白鬻其白莖以苦酒浸之肥美可  
案酒是也

玉版

冷齋夜話子瞻邀劉器之參玉版和南至簾幕  
寺燒筍食之器之覺筍殊勝問何名子瞻曰玉  
版也此老師善說法要令君得禪悅之味器之  
乃悟其戲爲之大笑子瞻爲偈曰不怕石頭路  
來參玉版師聊憑栢樹子與問籜龍兒

燕蓐蔬

謝華啓秀云燕蓐蔬嶺南名燕窩菜海燕拾海  
上無毒香蔬結巢燕去巢後人取而煮食之其  
味芳香脆美在百蔬之上按此別是一種非今  
之燕窩也燕窩詳仁泉南雜記中

庶物異名疏卷二十一目錄

草部上

銚弋

御弋

鵠

夫須

橐吾

昔耶

屋遊

由衙

林於

澁勒

升斤

火泉

牧靡

海閭

裾

重邁

邯鄲

扶種

胡繩

撚枝

如

走

橫目

游龍

水簾

水臺

水且

迷陽

紫脫

羊奚

竹青

延嘉

提母

貫衆

鴈膳

陵稻

黑鶩

馬夫

玄及

會及

綸布

陟釐

水綿

黃藿

都梁

迷迭

渠那

芑輿

植楮

寇脫

夙條

烏酸

牛傷

嘉榮

龍脩

勾端

鷄格

地髓

鈎吻

鷄穀

文無

艾納

地文

菟奚

穎東

鑽冬

識美

志取

列當

剛前

秦紉

及巳

白前

綠錢

爵牀

蔭命

毗尸沙

膏夏

秋膠

義物錫

庶物異名疏卷二十一

檇李陳懋仁無功著

草部上

銚弋

御弋

爾雅萑楚銚

妍

弋二名一種或曰鬼桃葉似桃

華白子如小麥亦似桃陸璣疏今羊桃是也葉長而狹華紫赤色其枝莖弱過一尺引蔓於草上今人以爲汲灌重而善沒不如楊柳也近下根乃切其皮著熱灰中脫之可韜筆管本草羊

桃一名羊腸一名御弋鄭箋鈔弋之性始生正直及其長大則枝猗儺而柔順不妄尋蔓仁謂此象端人改節而媚乎時者不蔓猶幾焉

鷓

詩邛有旨鷓逆郭璞云鷓小草有雜色如綬也鷓本鳥名亦名吐綬鳥咽下囊如小綬具五色小草之色似之故謂之鷓草陸璣曰鷓五色作綬文故曰綬草

夫須

詩南山有臺爾雅臺夫須陸璣云夫須莎草也可以爲蓑笠御雨疏而無濕或云臺草有皮堅細滑綴可爲簦笠

橐吾

急就注橐吾似欵冬而腹中有絲生陸地華黃色一名獸須

昔耶

屋遊

梁簡文帝詩依簷映昔耶段成式謂昔耶爲瓦松沈括則謂垣瓦松自名昨葉未詳本草別錄

云垣衣生古垣墻陰或屋上蘇恭云此卽古墻  
北陰青苔衣也生石上者名昔耶一名烏韭生  
屋上者名屋遊形並相似爲療畧同草木子昔  
耶一名博邪又云瓦松土木氣洩則生

由衙

林於

澁勤

升斤

火泉

說文竹冬生草也戴凱之竹譜云篔簹與由衙厥  
體俱洪圍或累尺篔簹實衙空南楚之居梁柱是  
供由衙竹也又林於竹名亦見譜庾新野詩防

露動林於東坡詩倦看澁勤暗蠻村澁勤嶺南  
竹也草木子竹葉一名升斤輟耕錄竹瀝名火  
泉

牧靡

水經注牧靡縣南山縣山並卽以草立名山生  
牧靡可以解毒百世方盛烏多候食烏喙口中  
毒必急飛往牧靡山啄牧靡以解毒也

海閭

淮南子海閭生屈龍注海閭浮草之先生也屬



龍注見游龍

裾

春秋考異郵曰承石取鐵瑋瑁吸裾裾芥也

重邁

吳氏本草百合一名重邁一名中庭一名重匡

生窕胸及荆山

邯鄲

扶種

管子地員曰其種有大邯鄲細邯鄲莖葉如扶  
種注扶種亦草名

胡繩

離騷矯菌桂以紉蕙兮索胡繩之纒纒胡繩香  
草也

撚枝

九歎采撚枝於中洲撚枝香草也

如

走

管子地員其草如茅與走注云如茅走皆草名

橫目

遊獵賦云布結縷爾雅云傳橫目注一名結縷

俗謂之鼓箏草顏師古云結縷蔓生著地之處皆生細根如綫相結故名今俗呼鼓箏草兩幼童對之手鼓中央則聲如箏也

游龍

詩隰有游龍傳曰龍紅草也疏云紅龍其大者蕤故曰龍紅一名馬蓼葉大而赤白色生水澤中高丈餘淮南子云海閭生屈龍屈龍生容華屈龍鴻也詩云隰有游龍言屈字之誤

水簾

周書穀雨前一日萍始生本草經萍一名水華一名水簾

水臺

水臺艾也見爾雅離騷注或言艾非芳草一名水臺博物志削水令圓舉以向日以艾承其影得火故號艾草爲水臺

水且

古今注芙蓉一名水且一名水芝一名雷芝一名水花花有赤白紅紫青黃

迷陽

莊子楚狂接輿歌迷陽迷陽毋傷吾行吾行卻  
曲無傷吾足按楚志胡明仲云荆楚有草叢生  
脩條四時發穎春夏之交花亦繁麗條之腴者  
大如巨擘剝而食之其味甘美野人謂之迷陽  
其膚多刺其歌曰傷以多刺也此說可補莊注

紫脫

禮斗威儀曰君乘木而王政太平蔓竹紫脫爲  
之長生齊民要術曰紫脫北方物孫氏瑞應圖

曰紫達齊王融曲水序云紫脫花朱英秀文選  
注謂紫脫朱英並瑞草也

羊奚

莊子羊奚比乎不筭久竹生青寧羊奚根似蕪  
菁其根比連于久不生筍之竹則生青寧青寧  
虫名見虫豸部

竹青

永嘉記青田縣有草葉似竹可染碧名爲竹青  
此地所產故名青田

延嘉

延嘉瑞草也瑞應圖曰延嘉王者有德則見孝經援神契曰天子至德屬於四海則延嘉生

提母

范子計然曰提母出三輔黃白者善吳氏本草曰知母一名提母無毒補不足益氣

貫衆

名十有三異者居半

爾雅灤貫衆廣雅名貫節本草經貫衆一名百頭一名貫渠一名虎卷一名扁符味苦寒治腹

中邪氣諸毒殺三蠱吳氏本草貫衆一名貫來一名貫中一名渠母一名貫鍾一名伯芹一名藥藻一名黃鍾葉黃兩兩相對莖黑毛聚生冬夏不老四月花八月突黑聚相連卷旁行生三月八月采根五月采葉郭璞云葉圓銳莖毛黑布地生冬不死也

鴈膳

鴈膳草名管子地員曰其種鴈膳黑實朱跗黃實跗花足也

陵稻

黑鶩

馬夫

陵稻黑鶩馬夫見管子高誘曰皆草名

玄及

會及

本草別錄名五味子為玄及本草綱目又名會

及爾雅名莖藟

音知除

綸布

吳晉本草綸布一名昆布陶隱居云出高麗繩把索之如捲麻作黃黑色柔韌可食爾雅云綸似綸組似組東海有之今青苔紫菜皆似綸而

昆布亦似組恐卽是也陳藏器云昆布生南海葉如手大似薄葦紫赤色其細葉者海藻也

陟釐

水綿

陟釐者蘇恭云河中側梨側梨陟釐聲相近也拾遺記晉武帝賜張華側理紙青綠色乃水苔為之後人訛陟釐為側理耳此乃水中粗苔作紙青綠色名苔紙李時珍曰陟釐生水中石上生者蒙茸如髮有水污在石而生者纏牽如絲綿之狀俗名水綿

黃薳

黃薳灌 草名見山海經其狀如樗其葉如麻白華而赤實其狀如赭浴之已疥又可以已胼胼腫也郭璞贊曰浴疾之草厥子赭赤

都梁

水經注都梁縣有小山上有淳水既清且淺其中悉生蘭草綠葉紫莖芳風藻川蘭馨遠馥俗謂蘭為都梁蘭一作蘭

迷迭

廣志迷迭出西海中魏文帝種迷迭於中庭嘉其揚條吐香馥有令芳乃為之賦應瑒亦賦稱其香之酷烈焉

渠那

宋艮嶽八芳草其六曰渠那

芑輿

爾雅藹車芑輿也廣志云藹車白華

植楮

植楮草名見山海經出脫扈之山狀如葵葉而

赤華莢實實如櫻莢可以已瘰鼠食之不昧淮  
南子云狸頭已瘰瘰憂病也瘰憂幽鼠病而憂  
在于穴內

寇脫

山海經升山多寇脫郭璞云寇脫草生南方高  
丈許似荷葉而莖中有瓢正白零陵人植而日  
灌以爲樹

夙條

夙條見山海經出休與之山狀如蒼赤葉而本

叢生可以爲籜

烏酸

烏酸見山海經方莖而黃華員葉三成可以爲  
毒郭璞曰葉三重也贊曰烏酸之葉三成黃華  
可以爲毒不畏蜥蛇

牛傷

牛傷見山海經出大磬之山葉如榆方莖而蒼  
傷其根蒼文服者不厥可以禦兵郭璞曰牛傷  
猶言牛棘贊曰牛傷鎮氣

嘉榮

嘉榮見山海經生半石之山生而秀其高丈餘赤葉赤華華而不實服之不寔一曰不遷喜怒郭璞曰初生先作穗却著葉花生穗間贊曰寔惟天精動心駭目曷以禦之嘉榮是服所正者神用■腸腹

龍脩

山海經賈超之山多龍脩郭璞曰龍脩龍須也似菴而細生山石穴中莖倒垂可以為席

勾端

山海經繁績之山多勾端郭璞云今山中多此草

鷄格

地髓

太陽之草曰黃精餌之長生一名重樓一名菟竹一名鷄格一名救窮一名鹿竹本草名地髓  
鈎吻

鈎吻太陰之草食之立死本草經一名野葛葛洪肘後方云凡中野葛毒口不可開者取大竹



筒洞節以頭拄其兩脇及臍中灌冷水入筒中  
數易水須臾口開乃可下藥解之惟多飲甘草  
汁人屎汁白鴨或白鶩斷頭瀝血入口中或羊  
血灌之嶺南衛生方云卽時取鷄卵抱未成雛  
者研爛和麻油灌之吐出毒物乃生稍遲卽死  
按博物志魏太武習啖野葛至一尺許飲鴆酒  
至一盞劉元城曰揚此聲以誑人欲其無害已  
也

雞穀

山海經兔牀之山其草多雞穀其本如雞卵其  
味酸甘食者利於人

文無

古今注古人相贈以芍藥相招以文無本草當  
歸一名乾歸一名文無

艾納

艾納按廣志出西國似細艾香譜曰艾納松上  
莓苔也艾納和香則衆香發越東坡詩憑仗幽  
人收艾納國香和雨入青苔春風堂隨筆枯松



原件短缺

P13

百年卽有白衣如粉本草謂之艾納又曰艾衲  
又可名松雪

地文

急就注半夏五月苗始生居夏之半故為名也  
一名地文

菟奚

顛東

鑽冬

急就注欵冬亦曰欵凍東以其凌寒叩冰而生  
故為此名生水中花紫赤色一名菟奚亦名顛  
東爾雅名顛凍寇宗奭名鑽冬述異記洛水至

葛花當月結子每春秋采根陰乾

及已

及已蘇恭云生山谷陰虛軟地其草一莖莖頭  
四葉隙著白花根似細辛而黑有毒今人以當  
杜衡非

白前

陶隱居云白前根似細辛而大色白不柔易折  
蘇恭曰苗高尺許葉似柳或似芫花生洲渚沙  
磧之上俗名藍石又名嗽藥今用蔓生者味苦

非真也

綠錢

古今注苔或紫或青一名員蘚一名綠錢沈約青苔詩深堂沒綺錢

爵牀

本草別錄爵牀生漢中蘇恭云此草似香茅葉長而大或如荏且細俗云赤眼老母草李時珍云方莖對節與大葉香薷一樣但香薷搓之氣香而爵牀搓之微臭以此爲別

陰命

陰命鉤吻注陶云有一物名陰命赤色著木懸其子生海中有毒又云海薑生海中赤色狀如龍芮大毒應是此也今無的識之者見陳藏器餘

毗尸沙

酉陽雜俎毗尸沙一名日中金錢花本出外國梁大同一年進來中土

膏夏

淮南子巫山之上順風縱火膏夏紫芝與蕭艾同焚

秋膠 義物錫

石藥爾雅覆盆子一名秋膠一名義物錫

庶物異名疏卷二十二目錄

草部下

盜庚 旋復 夕句 乃東

卑相 卑鹽 射干 由跋

叩鉅 大戟 當陸 白昌

妓女 地朕 地噤 地日

虎杖 軒于 莽煌 濡奸

叅成 料玉 風連 骨容

豕首 彘盧 豨首 玄儼

船虹 緗麩 紫菊 日精

周盈 陰成 朱羸 敵休

懷莫 苦眈 翠筑 青黏

蟲 別羈 絡石 石鯪

馬勃 落廻 鼈 歲綏

華萃 萌子 天雄 奚毒

花當 牛棘 柱夫 烏足

獐且 菴閭 流夷 夫王

土鹵 神藟 屈軼 神護

勝鳥 青棠 攣夷 婪尾春

烏服 方潰 火河 待女

品藻 巨荒 雀瓢 押不盧

烏階 醜芳 烏蔭 識

強瞿 繁縷 夔蘭 觚盧

扈魯 徽蘅 捺祗 野悉蜜

金剛慕 席箕 忍冬

庶物異名疏卷二十二

樵李陳懋仁無功著

草部下

盜庚

旋復

爾雅復盜庚庚者金也謂夏開黃花盜藉金氣也本草名旋復花郭璞云旋復似菊一名金沸菜

夕句

乃東

本草經夏枯草一名夕句一名乃東蘇恭云冬

庶物異名疏

卷廿二草部下

至後生葉似旋復三四月開花作穗紫白色似丹參花結子亦作穗五月便枯李時珍云苗高二尺其莖微方葉對節生似旋復葉長而大有細齒背白多故莖端作穗長一二寸穗中開淡紫小花二穗有細子四粒丹溪曰無子亦欠察矣

卑相

卑鹽

麻黃一名卑相見本草經一名卑鹽見別錄

射干

射干見上林賦顏師古曰鳥扇也蘇頌曰射干之形莖梗疎長正如射之長干之狀韻府曰高二三尺排列如翅似鹿葱一曰其葉叢生橫鋪一面如鳥翅及扇之狀木亦有射干見木部獸亦有射干見獸部

由

由跋蘇恭云是虎掌新根大於半夏一二倍四畔未有子牙其宿根卽虎掌也

叩鉅

大戟



叩鉅一曰大戟爾雅蕎叩鉅其根苦戟人咽喉故名大戟

當陸

白昌

當陸見開寶本草卽商陸也別錄云如人形者有神蘇恭曰亦有赤白二種白者入藥赤者見鬼神甚有毒本草云別名蕩江東爲當陸一名夜呼一名白昌不同者所見本異也

妓女

妓女萱草也見魏人吳晉本草詩云焉得諛草

言樹之背疏曰諛訓爲忘非草名故傳本其意言焉得諛草謂欲得令人善忘憂之草不謂諛爲草名故釋訓云諛忘也孫氏謂憂思不能自遣故樹此草玩以忘憂也後人引萱草喻母非也珍珠船云婢號萱枝類考療愁花詩萱爲女兒花不解壯士憂其不可喻母益明

地朕

地噤

地朕一名地錦一名地噤蔓延著地葉光淨露下有光陳藏器云

地日

焦氏類林西壑傳南荒有地日草日中三足鳥欲下食此草義和馭之以手掩鳥目

虎杖

爾雅滌虎杖注似紅草而粗大有細刺可以染赤陶隱居云狀如馬大蓼莖斑而葉圓

軒于

軒于猶也見子虛賦似細蘆蔓生水上左傳所謂一薰一蕕十年尚猶有臭是也爾雅亦謂之

蔓于

莽煌

莽煌葉圓如荷去之十步炙人衣服則焦鳥獸避之列以為席方冬彌温以枝相磨則火出矣見拾遺記

濡妍

濡妍見拾遺記葉色如紺莖色如漆細軟可縈海人織以為席薦卷之不盈一手舒之則列坐方國之賓莎羅為經莎羅草細如髮一莖百尋

柔軟香滑

參成

料玉

酉陽雜俎參成句曲山五芝之第二芝也食之為太極大夫料玉第五芝也食之為三官真御史

風連

左思蜀都賦風連延蔓於蘭皋風連藥草也

骨容

河圖括地象嶧嶒山上為狼星上有異花草名

骨容食之無子

豕首

蕤盧

豕首染草名見周禮注釋曰爾雅云蒟藪豕首郭注云本草曰蕤盧一名蟾蛄蘭今江東呼豨

首可以燭

炒

蠶蛹

勇老

郭氏雖有此注不言可

染何色則此橐盧豕首未審鄭之所據也荔挺亦名豕首又名蠶首與此名同物異

豨首

呂覽任地豨首生而麥無葉豨首草也

玄愔

均藻玄愔香草名

船虹

均藻船虹草名

細蕤

武夷君傳細蕤紫苻也

紫蒟

周禮釋紫蒟爾雅云藐苳草郭注可以染紫一名苳蒟

日精

周盈

陰成

朱羸

周禮蝮氏掌去鼃黽牡鞠以灰灑之則死注牡鞠菊不花者抱朴子云仙方謂日精更生周盈皆一菊而根莖花實之名異也本草別錄一名傳延年一名陰成一作威本草經一名朱羸吳氏本草一名女室埤雅曰鞠如聚金鞠而不落故字從鞠

敵休

魏文帝所記諸物相似亂者敵休亂門冬

懷莫

懷莫一名懷夢洞冥記有夢草似蒲色紅晝縮入地夜則出亦名懷莫懷其葉則知夢之吉凶立驗也帝思李夫人之容不可得朔乃獻一枝帝懷之夜果夢夫人因改懷夢草

苦耽

夢溪筆談云苦耽卽本草酸漿也新集本草又重出苦耽一條河西番界中酸漿有盈丈者

翠筑

江淹去故鄉賦北風柎兮絳花落流水散兮翠筑疎說楛云翠筑莫莢實也

青黏

魏志華佗授樊阿漆葉屑一升青黏十四兩阿從其言服之壽百餘歲佗別傳云青黏一名地節一名黃芝主理五臟益精氣本出於迷入山者見仙人服之以告佗以爲佳輒語阿

蟲

詩云言采其蟲蟲貝母也主療鬱結之疾陸璣

云其葉如括樓而細小其子在根下如芋子正  
白四方連累相著有分解是也

別羈

別羈見神農本草味微苦別錄一名別枝生藍  
田川谷陶隱居云方家時有用處今亦絕矣

絡石 石鱖

丹鉛錄楚辭注薜荔無根緣物而生不明言爲  
何物按本草絡石也在石曰石鱖在地曰地錦

地朕一名地錦見前繞叢木曰長春藤又曰龍鱗薜荔又

曰扶芳藤人家假山上種巴山虎是也

馬勃

馬勃見本草別錄生園中久腐處俗呼馬竄勃  
紫色虛軟狀如狗肝彈之粉出有大如斗者小  
亦如升

落廻

酉陽雜俎落廻一日博有大毒生江淮山谷中

莖葉如麻莖中空吹作聲如勃邏廻因名之

盤

盤炎草名漢諸侯王金璽盤綬盤似艾可染絲因以名綬

歲綬

歲綬見瑞應圖王者禮備則歲綬生

一曰歲糞

華萃

孝經援神契王者德至于地則華萃生祥瑞圖云雙蓮曰萃

萌子

天雄

奚毒

廣雅云附子一歲曰萌子二歲曰鳥喙三歲曰

附子四歲曰鳥頭五歲曰天雄本草云冬採為

附子春採為鳥頭一名奚毒一名卽子一名鳥

喙三寸以上為天雄陶隱居云莖初生有腦形

似鳥鳥之頭有兩岐共蒂狀如牛角名鳥喙吳

氏本草云鳥頭一名葺一名千秋一名毒公一

名果負一名耿子圖經云苗長三四尺莖四積

葉如艾花紫碧色作穗實小黑如桑椹本只種

附子熟後有四物長二三寸為天雄附子旁尖

牙角為側子絕小者名側子元種者為鳥頭其

餘大小皆爲附子

花當

花當花根也杜詩危沙折花當

牛棘

本草經薔薇一名牛棘一名牛勒一名山棗葛洪金創方薔薇末一方寸七日三服之

柱夫

柱夫搖車見爾雅注云蔓生細葉紫花可食今呼爲翹搖車疏云柱夫可食之草也一名搖車

花翹起搖動因名

烏足

烏足草名見莊子注

傅且

傅且上音各下子餘反見子虛賦漢書作巴且文穎曰

芭蕉也郭璞以爲蘘荷

菴閭

菴閭蒿也見漢書音義李巡曰菴臭穢草也陸璣云舊說皆云菴閭是也菴卽益母毛傳菴一



名雛

流夷

流夷新夷也見子虛賦

夫王

夫王見爾雅芑杜草一名夫王郭璞云芑草生

海邊似莞藺一作芑今南方越人取以成席

土鹵

爾雅杜土鹵注云杜衡也似葵而香疏云葉似

葵形如馬蹄故俗云馬蹄香根似細辛自前

見前

神藟

張協七命仰折神藟俯采朝蘭神藟白芷也廣

雅云白芷葉謂之葍

屈軼

神護

瑞應圖云屈軼者太平之代生於庭前有佞人  
則草指之神農本草云常山有草名神護置之  
門下每夜吠人

勝鳥

詩采采芣苢本草芣苢一名牛遺一名勝鳥埤  
雅一名馬舄陸璣疏一名車前一各當道喜生  
牛馬迹中今車前子是也幽州謂之牛舌草可  
茹大滑其子治難產韓詩曰車前瞿芣苢生於  
兩旁謂之瞿郭氏謂之蝦蟆衣一曰陵舄圖經  
云苗生布地如匙面累年長及尺餘如鼠尾花  
甚細青色微赤實如葶藶赤黑神仙服食法曰  
車前之實雷之精也詩疏義曰王肅引周書王  
會云芣苢如李出於西戎王基駁云王會所記

雜物奇獸皆四夷遠國各賫土地異物以爲貢  
贄非周南婦人所得采是芣苢爲馬舄之草非  
西戎之李也

### 青棠

董子云欲蠲人之忿者則贈之以青棠青棠一  
各合歡或曰青棠棠棠相近必錯簡不知孰是

### 攣夷

### 婪尾春

本草芍藥一名黑牽夷一名餘容一名犁食一  
各解倉一名鋌廣雅名攣夷董子名可離說櫟

芍藥一名婪尾春胡嶠詩餅裡數枝婪尾春

烏服

草木疏藪

藪

似括樓葉盛而細其子正黑如燕

莫不可食也幽州人謂之烏服其莖葉煮以啖牛除熱

方漬

本草草蒿一名方漬生華陰川澤

火河

番禺雜記草名火河火不能燒若河隔火故名

待女

採蘭雜志蘭待女子同種則香故名待女

品藻

南粵志品藻苔名一名品落

苔

以落形如品也

爾雅翼藻生水底橫陳於水若自澡濯然埤雅藻水草之有文者字從澡言自潔如澡也監於水如藻上浮瑩潔易見世之秉人鑑者謂之品藻倘取義於是乎說儲云

巨荒

樛木注藹似葛之草一名巨荒

雀瓢

詩序芄環蘭刺惠公也疏曰藿灌芄蘭郭璞謂蔓生斷之有白汁可啖陸璣曰一名蘿摩幽州人謂之雀瓢以此草枝葉柔弱序刺君驕慢故以喻君子之德當柔潤溫良

押不盧

癸辛雜志回回國有藥名押不盧土人采之以少許磨酒飲之則通身麻痺而死雖加以刀斧

亦所不知至三日別以少藥投之即活御苑中儲之滇載記注押不盧北方起死回生之草名按雜誌以別藥投之即活否則此直死草也記注宜究別是何藥乃妙

烏階

爾雅櫻烏階郭璞云即烏杷也子相連著狀如杷齒可以染皂

醜芳

爾雅葦醜芳羽其類皆有芳秀風吹如雪聚於

地如絮也葦卽蘆之成者芳葦花也

烏蘆

烏蘆於立郭璞曰莢綫似葦而小實中江東人

謂之烏蘆李巡曰分別葦類之異名

識

大戴禮頒水采識識草名其形未詳

强瞿

强瞿見本草別錄陶隱居云百合俗呼為强仇  
仇卽瞿聲訛也李時珍云顧野王玉篇亦云

百合蒜也花葉根皆四向故曰强瞿凡物旁生  
謂之瞿義出韓詩外傳通志川强瞿山丹也

繁縷

繁縷見名醫別錄卽爾雅所謂夔搔縷郭璞謂

蔡縷也本草注莖蔓甚繁中有一縷故名易於  
長生故又曰滋草古樂府云為樂當及時何能  
待來滋滋乃草名卽此也

夔藺

夔藺薄荷也見參同契注

觚盧

扈魯

觚盧草名相如賦蓮藕觚盧注扈魯也

徽蘅

徽蘅出均州天心山其草有風不偃無風自搖見寰宇記

捺祇

西陽雜俎捺祇出拂林國苗長三四尺根大如鴨卵葉如蒜葉中心抽條甚長莖端有花六出紅白色心黃赤不結子其草冬生夏死與蕎一作

蕎

麥相類取其花壓油塗身除風疾國王及國內人皆用之

野悉蜜

西陽雜俎野悉蜜出拂林國亦出波斯國苗長七八尺葉似梅葉四時敷榮其花五出白色不結子花開時徧野皆香與嶺南詹糖相類西域人采花壓油甚香滑

金剛纂

談叢云滇中有草名金剛纂其幹如珊瑚多刺

色深碧小民多樹之門屏間此草性甚毒犯之  
或至殺人余問滇民曰植此何爲曰以辟邪耳  
大凡邪氣皆毒毒能傷人以金剛纂辟之蓋以  
毒攻毒之意

### 席箕

升庵詩品云李賀塞上詩天遠席箕愁劉會孟  
注席箕如箕踞之箕坐予按秦韜玉塞上曲云  
席箕風緊馬羸豪此豈箕踞義乎席箕恐是塞  
上地名書之以俟知者李本寧云席箕草名出

### 太平廣記羸音涎

### 忍冬

忍冬凌冬不凋卽金銀花也又名鷺鷥藤又名  
金釵股又名老翁鬚

庶物異名疏卷二十三目錄

木部

繫迷

羿先

挈榼

杓詣

男青

俱那衛

筵脯

賓連

潤達

平路

寄屑

寓木

迷穀

黏

質汗

株駒

六奇

衛矛

如何

姑繇

白蓉

靈壽

萬年

芭

帝休

帝屋

阿蹉

旁其



阿虞 薰渠 澠疏 鎖鎖

比閭 摩厨 占斯 良無極

扶胥 鮮支 仁頻 弁閭

心 諸慮 無疵 攝攝

高飛 瞿所 射干 扶老

牡樺 禁嘍 寶苗 伏虵

掬 虎目 日及 王蒸

日給 洽容 雨師 無姑

阿理襪 辣末 金鹽 玉歧

狔漆 牙石 豚榆係 阿勃參

行栗 平仲 君遷 柴干

天采

庶物異名疏卷二十三

樵李陳懋仁無功著

木部

繫迷

羿先

挈榼

詩疏繫

谿

迷一名羿先引齊諺曰上山斫檀椽

榼

音遂

先殫斫檀不諦得繫迷繫迷尚可得駮

馬陸幾疏檀木皮正青滑與繫迷相似又似駮

馬駮馬梓榆繫迷一名挈榼

希

故齊人諺曰上

山斫檀挈榼先殫毛詩義疏駮馬駮犖遙視似

駁馬唐本草繫迷名英蓬蘇恭云葉似木槿及

榆作小樹子如疏洩注見後兩兩相對而色赤味

甘廣志云繫迷樹子色如糯粟可食

杵詣

三輔黃圖有杵詣宮杵意詣木名

男青

羅浮山記男青條蕊之屬莫不朱色尤易植立

折插土中因便開榮

俱那衛

俱那衛葉如竹三莖一層莖端分條如貞桐花

小類木解出桂州見太平廣記羅浮山記云那

衛外國樹英花紅粉至可玩愛

筴脯

筴脯樹名白虎通曰天下太平阜出筴脯其葉

大於門扇不搖自扇於飲食清涼助供養也又筴

脯見飲食部

賓連 濶達

賓連濶達祥樹也白虎通曰繼嗣分明則賓連

生于房戶連累相承故在於房戶象繼嗣也瑞  
應圖曰王者嫡庶有序男女有別則賓連潤達  
生于房

平路

白虎通曰賢不肖位不相踰則平路生于庭平  
路樹名也官位得其人則生失其人則死瑞應  
圖曰平路如蓋生于庭似四方之政王者不私  
人以官則四方之政平若東方政不平則西低  
北方政不平則南低西方政不平則東低南方

政不平則北低四方政不平其根若絲一曰兩  
平

寄屑

寓木

本草云桑上寄生其實明日輕身通神一名寄  
屑一名寓木一名宛童一名葛陸璣云葉似當  
盧子如覆盆子赤黑恬美圖經云寄生是鳥鳥  
食物落子枝節間感氣而生葉似橘而厚軟葉  
似槐皮而肥脆三四月開花黃白色六七月結  
實黃色如小豆

迷穀

山海經招搖之山有木焉其狀如穀而黑理其  
花四照其名迷穀佩之不迷郭璞贊曰爰有奇  
樹產自招搖厥花流光上映垂霄佩之不惑潛  
有靈標

黏

爾雅注黏似松生江南可以為船及棺作柱埋  
之不腐疏一名被一名黏作杉草木狀名披黏  
合浦東有杉一樹漢安帝永初五年春葉落隨

風飄入洛陽大于常杉葉數十倍術士廉盛曰  
合浦東杉葉也此休徵當出王者驗之信然

質汗

質汗寒木名本草拾遺曰質汗出西番煎榨乳  
松淚甘草地黃并熱血成之番人試藥以小兒  
斷一足以藥納口中將足蹋上當時能走者良

株駒

列子吾處也若檠株駒李熙云檠豎也株駒樹  
本也崔譔曰檠株駒斷樹也

六奇

異苑云沙門竺慧猷夜夢讀詩五首其一篇後曰陌南酸棗樹名爲六奇木遣人以伐取載還柱馬屋

衛矛

陶隱居別錄云衛矛生霍山吳晉云葉如桃箭如羽蘇恭云莖長四五尺許其幹有三羽狀如箭翎葉似山茶青色其木亦名狗骨釋名云齊人曰衛所以導矢也此物幹有直羽如箭羽矛

刃自衛之狀故以爲名

如何

神異經南荒中有如何之樹三百歲作花九百歲作實有核形如棗子長五尺金刀割之則飴非此則辛食之得地仙故啓蒙記云如何隨刀而改味安南亦有如何

姑繇

穆天子釣于河以觀姑繇之木郭璞曰姑繇大木山海經尋木千里生海邊謂此木類

白蓉

白蓉高木名見山海經狀如穀而赤理其汁如漆其味如飴食者不饑可以釋勞可以血玉郭璞注或作畢蘇畢蘇一名白蓉見廣雅謂可染玉作光郭璞贊曰白蓉畢蘇其汁如飴食之辟穀味有餘滋逍遙忘勞窮生盡期

靈壽

孔光傳賜太師靈壽杖服虔云靈壽木名似柳有節長不過八九尺

萬年

晉宮閣名曰華林園有萬年十四株

芭

芭起木名見山海經如楊而赤理其汁如血實可以服馬郭璞贊曰馬維剛駿塗之芭汁不勞孫陽自然閑習厥術無方理有潛執

帝休

帝休見山海經出少室山葉狀如楊其枝五衢黃花黑實服者不怒故郭璞贊曰君子服之匪

怒伊愛

帝屋

山海經帝屋生講山葉狀如椒反傷赤實可以禦凶郭璞云反傷刺下勾也

阿瑤

酉陽雜俎沒樹出波斯國拂林國人呼為阿瑤姓樹長丈餘皮青白色葉似槐而長花似橘花而大子黑色如山茱萸酸甜可食

旁其

本草拾遺旁其烏藥也李時珍云烏以色名其葉狀似鱗魮故俗呼為鱗魮樹旁其方音訛也陳藏器云樹生似茶高丈餘一葉三椹葉青陰白狀似山芍藥及烏樟根色黑褐作車轂紋橫生直根者不堪用

阿虞

薰渠

本草綱目波斯呼阿魏為阿虞雜俎云木長八九尺皮色青黃葉似鼠耳無花實其枝汁出如飴久之乃堅凝名阿魏取其汁和米豆屑合釀



而成唐本草云薰渠婆羅門云是阿魏極臭常置食中用之却能去臭仁聞於粵人云欲辨真贗則取半銖置新熟銅器中露一宿所霑處白如銀永無本色又以一銖置柚樹上其樹立乾者俱佳

### 澠疏

澠疏按本草別錄生熊耳川谷一名楊樞一名牡荊一名空疏樹高丈許皮白中空時時有節子似枸杞子冬熟赤色味甘苦末代乃無識者

此非籬援之楊樞也

### 鎖鎖

輟耕錄回紇野馬川有木曰鎖鎖一作瑣瑣燒之其火經年不滅且不作灰彼處婦女取根置帽入火不焚如火鼠布云

### 比閭

汲冢周書白州比閭其華若羽伐其木爲車終行不敗

### 摩厨

南州異物志云木有摩厨生於斯調國其汗肥潤其澤如膏馨香馥郁可以煎熬食物香美如中用油

占斯

良無極

博物志云占斯解狼毒陶隱居云占斯生太山李當之云是樟樹上寄生樹大銜枝在肌肉今以胡桃皮爲之非真也按桐君采藥錄生上洛是木皮狀如厚朴色似桂白其理一縱一橫李時珍云占斯范方注謂之良無極劉涓子鬼遺

方謂之木占斯而別錄一名炭皮殊不可曉

扶胥

詩山有扶蘇傳云扶蘇扶胥小木也疏曰釋木無文傳言扶胥小木者毛當有知之未詳其所出也

鮮支

子虛賦鮮支黃礫師古曰今支子木也鮮支一名黃支實黃可染一名蘄膽荀一名林蘭一名木丹一名越桃

仁頻

并閭

仁頻并閭見子虛賦孟康曰仁頻櫟也林邑記樹葉似乾焦文選注仁頻即櫟榔雀駟曰并閭櫟也皮可作索

心

爾雅樸榦心孫炎曰樸榦一名心某氏樸榦解榦也有心能濕江河間以作柱

諸慮

諸慮山壘見爾雅郭注今江東呼壘為藤似葛

而粗大

無疵

爾雅榆無疵郭注榆榿屬似豫章

攝攝

攝攝輒楓也郭璞云楓樹似白楊葉圓而岐有脂而香今之楓香是攝

高飛

齊民要術白楊別名高飛一名獨搖古今注移地楊圓葉弱蒂微風大搖一名高飛一名獨搖

一名移柳亦曰蒲移樹大十圍無風葉動花反  
而後合

瞿所

漢武帝遊上林見一好樹問東方朔朔曰名善  
哉帝陰使人識其樹後數歲復問朔朔曰名爲  
瞿所帝曰朔欺久矣何名與前不同也朔曰夫  
大爲馬小爲駒長爲雞小爲雛大爲牛小爲犢  
人生爲兒長爲老且昔善哉今爲瞿所長小死  
生萬物成敗有定哉帝乃大笑

射干

荀子及大戴禮西方有木名射干莖長四寸生  
于高山之上西臨萬仞之木莖非能長也所立  
者然也

扶老

歸去來辭策扶老以流憩扶老藤名以爲杖也  
有鳥亦名扶老見羽部

牡槀

周禮壺涿氏云若欲殺其神則以牡槀午貫象

齒而沈之牡槀榆木也宋景濂謂許遜鑄鐵柱以鎮蛟穴卽牡槀象齒之遺意也

禁嘍

酉陽雜俎無患木燒之極香辟惡氣一名禁嘍一名桓昔有神巫曰瑤庇能符劾百鬼擒魍魎以無患木擊殺之世人競取此木爲器却鬼因曰無患木

寶苗

山中有玉者木傍枝下垂謂之寶苗

伏虵

本草桑根旁行出土上者名伏虵治心痛

掬

爾雅栢掬也疏栢一名掬雜記所謂暢白以掬者是也栢性堅緻有脂而香故古人破爲暢白用以搗鬱

虎目

虎目按本草圖經椿樗二木相似但椿木實而葉香可噉樗木疎而臭氣膳夫亦能熬去其氣

北人呼樗爲山椿江東呼爲虎目葉脫去有痕如樗蒲子又如眼目故名衍義云世以無花不實木身大其幹端直者爲椿其有花而莢大身小幹多迂矮者爲樗

日及

王蒸

日給

洽容

南方草木狀朱槿一名日及花莖葉皆如桑其葉光而厚木高四五尺而枝葉婆娑其花深紅色五出大如蜀葵重敷柔澤有蕊一條長如花葉上綴金屑日光所爍疑是焰生陸幾云舜一

名木槿一名櫬一名椴齊魯謂之王蒸五月始花故月令仲夏木槿榮傳玄云舜花麗木也謂之日給或謂之洽容或謂之愛老潘尼以爲朝菌

雨師

檉柳一名雨師升庵云

無姑

爾雅無姑其實夷急就注蕪萸無姑之實也無姑一名樟榆生于山中其莢圓厚剝取樹皮合

漬而乾之成其辛味也

阿理襪 辣末

七克云寓言曰衆樹欲立一樹爲長共宗之首推阿理襪阿理襪美果美膏之樹也辭曰我膏甚潤爲人用不願散我潤易爾衆樹長也次推葡萄辭曰我果甚甘我酒甚美爲人用不願散我甘美易衆樹長也已及辣末辣末者棘屬也無花葉實叢生多刺一無可用燎爨而已遂躍起曰信然耶當來就我影下惟我所爲誰敢逆

者逆者我辣末當出火焚之矣夫有德者滿于膏豐于實懼因責任而散也微特不喜且畏之微特不求且避之愚者拙者無美可懼不畏不避則辣末而已

金鹽 玉跂 豺漆 牙石

豚榆係

魯定公記載古語臯魚引云寧得一把五加不用黃金滿車寧得一把地榆不用明月寶珠金樓子曰五加一名金鹽地榆一名玉跂此二物

可以煮石陶隱居云地榆燒作灰能爛石列女傳曰食石食金鹽可以支常久食石食玉跂可以得長壽本草別錄地榆又名酸赭以其味酸而色赭也石藥爾雅五茄皮一名牙石一名豚榆係說櫛云五加曰豺漆一名文章草

### 阿勃參

阿勃參見酉陽雜俎出拂林國長一丈餘皮青白色葉細兩相對花似蔓菁正黃子似胡椒赤色斫其枝汁如油以塗疥癬無不瘥者其油極

貴價重於金

### 行栗

行栗表道樹也趙武魏絳斬行栗

### 平仲

平仲之木其實如銀卽銀杏也

### 君遷

魏王花木志君遷樹細似甘蔗子如馬乳一曰子如瓠形卽古度樹也不花而實子從皮出大如安石榴正赤初時可煮食司馬溫公名苑云



君遷子如馬妳俗云牛妳柿是今之造扇用此  
柿油可補文選注

柴干

何氏天啓集永明寺詩注云柴干樹名因土人  
所名亦不知何木也詩云山樹柴與干南客曾  
不省云最難長大我見剎那頃

天采

古雋天采桃花也

庶物異名疏卷二十四目錄

羽部上

羽家

羽霸

杓宸

諫珂

孟虧

善芳

澤特

爰居

雜縣

嗶啁

意怠

焦明

發明

幽昌

肅敬

服劉

畢方

精衛

灌灌

瞿如

顛

肥遺

橐蜚

數斯

羅羅

蠻蠻

欽原

勝遇

當扈

寓

囂

象蛇

酸與

絜鈎

竊脂

跂踵

嬰勺

青耕

馱餘

竦斯

周周

述

春鋤

疏趾

閻

賒

骨托

希有

乾臯

寒臯

郎畢

縱

健

寒將

落霞

匹

雋周

游波

朱來

山蕭

雙雙

狂

沸河

秦吉了

迦陵

頻伽

熒熒

庶物異名疏卷二十四

樵李陳懋仁無功著

羽部上

羽家

羽家鳥之祖也歸藏啓筮曰金永之子其名羽家乃之羽民是生百鳥淮南子作羽嘉羽嘉生飛龍飛龍生鳳凰鳳凰生鸞鳥鸞鳥生庶鳥

羽霸

蕞經云庶鳥四千五百鳳王之蕞得鳳之類曰

羽霸

杓窠

杓窠

鳥瓜反

按鋼鑑宋太宗賜耶律休哥旗鼓杓

窠印杓窠勢鳥總稱以為印綬取疾速之義凡調發軍馬則用之

諫珂

說苑晉平公出朝有鳥環公不去平公顧謂師曠曰吾聞之霸王之主鳳下之今者出朝有鳥環寡人終朝不去是其鳳鳥乎師曠曰東方有

鳥名諫珂其為鳥也文身而朱足憎鳥而愛狐今者吾君必衣狐以出朝乎平公曰然師曠曰今鳥為狐裘之故非吾君之德義也平公不悅宛委餘編則云師曠識諫珂狐身鳥首與前說苑異或有別據乎

孟虧

孟虧出括地圖人首鳥身其先為虞氏馴百獸夏后之末世民始食卵孟虧去之鳳凰隨與止於此山多竹長千仞鳳凰食竹實孟虧食木實

去九疑萬八千里

善芳

周書奇翰善芳善芳頭若雄雞佩之令人不寐  
奇翰北狄名

澤特

周書蜀人以文翰文翰若臯雞注鳥之有文采  
者臯雞冀州人謂之澤特

爰居

雜縣

爰居海鳥也止於魯東門外臧文仲祭之展禽

譏焉急就乘風一名爰居一名雜縣樊光云似  
鳳凰景煥小說云今俗名秃鷲是也

嘑啁

嘑

益 啁 嘲

水經注楚鳩一名嘑啁號咷之名蓋

因鳩以起目焉廣志鴉鷲鳥乃楚鳩所生鴉惡

聲鳥也古音駢字云楚有嘑啁城

意怠

意怠玄鳥也莊子東海有鳥名意怠進不敢為  
前退不敢為後食不敢先嘗必取其緒行列不

斥而人不害以免於患淮南亦云其爲鳥也翫  
翫狨狨而似無能引援而飛迫脅而棲

焦明

發明

幽昌

肅敬

法言鷦明冲天不在六翮乎援而傅尸鳩其累  
矣天中記焦明至爲雨備焦明水鳥也建武中  
有大鳥集東陽郡五采皆備赤色居多沈約以  
爲焦明至則水之感也文選注似鳳西方之鳥  
郁離子曰南方之鳥五采而象鳳名昭明其性  
好亂出則天下有兵一說東方曰發明南方曰

焦明西方曰鷦鷯北方曰幽昌中央曰鳳凰按  
焦字從佳火誠南方鳥也瑞應圖幽昌至則旱  
之應肅敬狀如鳳凰銳喙見則荒歉之應

服劉

晉書趙王倫僭位殿上有異鳥不知名有素衣  
小兒言服劉鳥明旦失人鳥所在倫目有瘤時  
以爲妖

畢方

畢方出章莪之山狀如鶴一足赤文青質而白

喙其鳴自叫見則邑有譌火譌亦妖訛字東方朔對武帝卽此鳥也尸子木之精氣爲畢方一作必方淮南汜論木生畢方注木之精狀如鳥青色赤脚一足不食五穀郭璞贊曰畢方赤文離精是炳旱則高翔鼓翼陽景集乃流災火不炎正

精衛

精衛狀如鳥文首白喙赤足其鳴自說是炎帝女名女娃游於東海溺而不返是爲精衛常啣

西山木石以堙東海述異記云海畔俗說精衛無雄耦海燕而生雌狀如精衛生雄狀如海燕今東海畔精衛誓水處猶存溺死於川誓不飲其水一名誓鳥一名寃禽又名志鳥俗名帝女雀

灌灌

灌灌出青丘之山狀如鳩其音若呵佩之不惑郭璞云如人相呵呼聲一作濩濩

瞿如

瞿如出禱過之山狀如鵠而白首三足人面其  
鳴自號郭璞謂足或作手故贊有曰瞿如三手

顛

顛出令丘之山狀如梟人面四目而有耳其鳴  
自號見則天下大旱

肥遺

肥遺出英山狀如鶉黃身而赤喙食之已癘可  
以殺蟲蛇亦名肥遺見鱗部

橐蜚

橐蜚肥出踰次之山狀如梟人面而一足冬見  
夏蟄服之不畏雷郭璞贊曰有鳥人面一脚孤  
立性與時反冬出夏蟄帶其羽毛迅雷不入

數斯

數斯出臯塗之山狀如鴟而人足食之已癩

羅羅

羅羅出萊山是食人郭註所未詳也有青獸同  
名者見獸部

蠻蠻



蠻蠻出崇吾之山狀如鳧而一翼一目相得乃  
飛見則天下大水爾雅作鵜鵜鳥郭璞贊曰比  
翼之鳥似鳧青赤雖云一形氣同體隔延頸離  
鳥翻飛合翮又按經綱山之尾有蠻蠻鼠身而  
鼈首音如吠犬

欽原

欽原出崑崙之丘狀如蜂大如鴛鴦救鳥獸  
則死蠹木則枯蠹蟲行毒也

胜遇

胜姓遇出玉山是西王母所居也狀如翟而赤  
是食魚其音如錄見則其國大水郭璞云音錄  
義未詳

當扈

當扈出上申之山狀如雉以髯飛食之不眴駭  
目郭璞贊曰鳥飛以翼當扈則鬚廢多任少沛  
然有餘輪運於轂至用在無

寓

寓出號山其鳥多寓狀如鼠而鳥翼其音如牟

可以禦兵

囂

囂出梁渠之山狀如夸父郭云或作舉父四翼一目大

尾其音如鵲食之已腹痛可以止衎郭璞云治

洞下也有獸同名者見獸部

象蛇

象蛇出陽山有鳥狀如雌雉而五采以文是自為牝牡名曰象蛇其鳴自說郭璞贊曰象蛇似雉自生子孫

酸與

酸與出景山狀如蛇而四翼六目三足其鳴自說見則其邑有恐郭璞贊曰景山有鳥稟形外類厥狀如蛇脚三翼四見則邑恐食之不醉

絜鈎

絜鈎出磴山狀如鳧而鼠尾善登木見則其國多疫

竊脂

竊脂出嵒山如鴉而赤身白首可以禦火郭璞

云今呼青雀曲嘴食肉喜盜脂膏食之者爲竊  
脂疑非此也爾雅疏云諸儒說竊脂爲盜脂膏  
則竊玄竊黃等豈復盜竊玄黃乎按竊古淺字  
此鳥其色不純竊玄淺黑也竊藍淺青也竊黃  
淺黃也竊丹淺赤也則竊脂淺白也劉氏音義  
亦云盜驪竊驪也竊淺青色驪純黑色詳見獸  
部

跂踵

跂踵出復州之山狀如鶚而一足彘尾見則其

國大疫郭璞贊曰跂踵爲鳥一足似夔不爲樂  
興反以來悲

嬰勺

嬰勺出支離之山狀如鵲赤目赤喙白身其尾  
若勺其鳴自呼郭璞贊曰支離之山有鳥似鵲  
白身赤眼厥尾如勺維北有斗不可以酌

青耕

青耕出董理之山如鵲青身白喙白目白尾可  
以禦疫其鳴自叫郭璞贊曰青耕禦疫跂踵降

災物之相反各以氣來見則民咨實爲病媒

馱餘

馱餘出丑陽之山狀如赤鳥而足可以禦火

竦斯

竦斯出灌題之山如雌雉反面見人乃躍畢方  
以下俱見山海經

周周

禽經周周之智不如鴻垂頭屈尾飲於河側顛  
必以一頭附他鳥然後可飲李白詩周周亦何

辜六翮掩不揮願銜衆禽翼一向黃河飛

述

埤雅鷓一名述似燕紺色知天將雨之鳥故傳  
曰知天者冠述述通天冠也莊子曰皮弁鷓冠  
以約其外字从喬喬述也鷓知天時而述之者  
也義訓云鷓紺色燕知風則啼然則鷓之爲鳥  
匪獨知雨兼亦知風矣

春鋤

詩疏鷺春鋤郭璞云白鷺也頭翅背上皆有長

翰毛今江東人取以爲睫攤名之曰白露線陸璣曰好而潔白故謂之白鳥齊魯之間謂之春鋤青脚高尺六七寸尾如鷹尾喙長三寸頭上有毛數十枚長尺餘毳毳然與衆毛異好取魚時則弭之

疏趾

曲禮雉曰疏趾雉肥則兩足開張故云

閩

閩各含閩鳥似鳩鵲而色黃見經史直音

賒

水經注鄭玄云鳥鼠之山有鳥焉與鼠飛行有處之又有止而同穴之山焉是二山也鳥名爲賒似鷄而黃黑色鼠如家鼠而短尾穿地而共處鼠內而鳥外孔安國曰共爲雌雄杜彥達曰同穴止宿養子互相哺食大乃止張晏言不相牝牡因以名山又按郡國志大賓縣漢布山縣地有堂牛亦與蛇同穴人未知併著一名糖牛

骨托

墨客揮犀河州有禽名骨托狀類鵬高三尺許以名自呼食鐵石郡守每致輒出以示客或疑鐵石至堅非可食之物乃取三寸白石繫以絲繩擲其前卽啄而吞之良久牽出視石已軟爛如泥矣

希有

神異經崑崙銅柱有鳥名希有張左翼覆東王公右翼覆西王母其喙赤目黃如金其肉苦鹹仙人甘之水經注云希有背上小處無羽一萬

九千里西王母歲登翼上之東王公也李白有希有賦

乾臯

寒臯

淮南子乾臯一名鸚鵡郭璞曰四指中分行則以嘴淮南又名寒臯斷舌使語注云鸚鵡也周禮鴈鵠不踰濟地氣然也埤雅乾臯斷舌則坐歌人勝之也

郎睪

方言鳩自關以東周鄭之郊韓魏之都謂之郎

罽其大者謂之鴉鳩

鴉

方言南楚人謂鷄曰鴉從或從鳥亦書作鴉

健

連未成鷄也爾雅疏云雛之稍長未成者

健郭璞云江東呼鷄少者名健

寒將

寒將水禽也見淮南子

落霞

匹

落霞鳥也形似鸚鵡遍體緋色庾信馬射賦落霞與芝蓋齊飛王勃第易孤鷺耳升庵云落霞乃飛蛾見吳獬事始鷺者曲禮云庶人執匹注匹鷺也家鴨曰鷺郭璞曰鷺音木直音鳴音匹鴨也古文省作匹

鴉周

游波

詩疏鴉周燕燕鴉孫炎曰別三名郭璞曰一名玄鳥齊人呼鴉此燕即今之燕也古人重言之

漢書童謠云燕燕尾涎涎徒見反是也鴉乙字異

庶物異名疏

卷廿四羽部上

音同義郭氏一音鳥拔反炮炙論游波燕也

朱來

朱來紅嘴紺尾尾長於身巧解人言善別人意  
見杜陽雜編

山蕭

續博物志山蕭一名山縲神異經作猱永嘉郡  
志作越一名山駱一名蛟一名灌肉一名熟肉  
一名暉一名飛龍如鳩青色一曰治鳥巢大如  
五斗器飾以土堊赤白相間狀如射侯犯者殺

虎害人燒人廬舍昔值洪水食都樹皮餓死化  
為鳥姚王汪三姓其姓也

雙雙

公羊傳曰其諸為其雙雙而俱至者與

謂高固及子叔

也注曰言其雙行匹至似於鳥獸疏曰舊說雙  
雙之鳥一身二首尾有雌雄隨便而偶常不離  
散故以喻焉非何氏意也

狂

爾雅鴟有三種茅鴟一名狂注今鷓鴣也似鷹



而白

沸河

埤雅云雕能食草似鷹而大黑色俗呼阜鵬其  
飛上薄雲漢性刻制今大鵬翱翔水上扇魚令  
出沸波攫而食之一名沸河爾雅翼云鵬者鶚  
之類土黃色健飛擊沙漠中空中盤旋無細不  
睹亦食麋鹿之屬可謂鷲有力矣鷲亦大鵬

秦吉了

續文獻義物考瀘南人有蓄秦吉了能作人言

夷酋欲以錢十萬緡買之其人告以貧欲賣汝  
秦吉了曰我漢鳥也不願入夷中遂不食死仁  
戲謂此鳥非秦檜家禽使檜具此肺腸當不賣  
宋於夷可以人而不如鳥乎仇池筆記此鳥似  
鸚鵡勅力或作軟毛花頸絛耳腦有文冠桂海虞衡  
志如鸚鵡紺色丹嘴黃距目下連項有深黃文  
項毛有縫如人分髮能人言比鸚鵡尤慧大抵  
鸚聲如兒女吉了聲如丈夫

迦陵

迦陵仙禽也在卯鷓中鳴音已歷衆鳥楞嚴經云迦陵仙音遍十方界温陵云其音和雅佛音如之

頻伽

頻伽共命鳥一頭兩身故楞嚴經解以兩孔併曰頻伽併也會述云迦陵頻伽此翻妙聲鳥

熒熒

衝波傳顏回識熒熒之鳥

庶物異名疏卷二十五目錄

羽部下

箴疵

盍旦

定甲

芻尼

飛駁

大風

夫不

黃栗留

戴勝

題肩

擊征

翠竦

渠梁

列精

开零

石櫟

負金

背竈

嚙羿

忌欺

運日

陰諧

同力

邽

燭夜

載丹

長離

伯趙

博勞

剖葦

訓狐

渠逸

錯落

阿濫堆

馮霄

搖光

飛廉

金吾

甲居

催歸

買銳

重明

唐屠

白唐

青翅

黃眸

青冥

金距

商羊

批頰

庸渠

流離

破鏡

交目

扶老

姑惡

鴻豹

澤虞

黃禍侯

屬玉

山梁

信天翁

碧繼翁

敢子

乾吉

帝江

鋪鼓

溷章

脆脰

奧

山菌子

決雪兒

公黃

竹林

庶物異名疏卷二十五

馮李陳懋仁無功著

羽部下

箴疵

箴疵鳥也見上林賦張揖注云箴疵似魚虎而  
蒼黑色

盍旦

定甲

坊記篇注盍旦夜鳴求陽之鳥也言盍旦欲反  
夜作旦求所不當求者人尚患之况人臣而求

其上乎郭璞云似雞五色無毛赤俛晝夜鳴月  
令作鶡鳴或作渴旦周書時訓曰大雪之日鶡  
鳴不鳴鹽鐵論作鴉旦方言鴉旦周魏宋之間  
謂之定甲或謂之獨春自關而東謂之城旦或  
謂之倒懸

芻尼

飛駁

傳燈錄謂鵲爲芻尼博物志一名飛駁天玄王  
物簿云鵲啄槐實結玉於腦謂之鵲玉此鵲終  
歲不復鳴噪雖巢無胎卵戴玉之鵲巢於竹與

燕同羣蓋能識寶故也雀賦云頭如蒜顆眼若  
擘椒衛象詩鵲血調弓濕未乾則鵲血可以調  
弓後山詩話記人作七夕詩押芻尼字衆人竟  
和無成詩者後讀藏經呼鵲爲芻尼乃知讀書  
不厭多仁按梵書不止芻尼又有伊尼詳獸部

大風

淮南子堯使羿繳大風於青丘大風鷲鳥也在  
東方

夫不

詩傳雛夫不音浮也箋夫不鳥之慈謹者李巡

曰今楚鳩也剡子曰祝鳩氏司徒者也蓋此物

季故為司徒以教民毛傳又曰一宿之鳥鄭云

一宿者一意於所宿之木也爾雅翼云頭有贅

物之拙者不能為巢纔架數枝往往破卵無巢

不能居天將雨則逐其雌霽則呼而返之按此

則是鳥季而不義者得微以衛毋故而暫逐其

雌乎  
黃栗留

詩傳黃鳥搏黍也郭璞云俗呼為黃離留陸璣

云或謂之黃栗留幽州謂之黃鷲一名倉庚一

名商庚一名黎黃一名楚雀當甚熟時來在桑

間故里語云黃栗留看我麥黃甚熟亦是應節

趨時之鳥也格物總論曰鷲黑尾嘴紅脚青遍

身甘草黃色羽及尾有黑毛相間三四月鳴音

聲圓滑東坡謂之黃公類考云今荊州每冬月

于田中得土堅圓如卵者破之則鷲在其中無

復毛羽蓋以上自畏伏候春始破土而出出谷

遷喬恐似此矣

戴勝

禮記季春之月戴勝鳴於桑鄭玄曰戴勝促織之鳥春秋考異郵曰孟夏戴維出以任氣成天津也故戴維出蠶期起

題肩

擊征

詩歎彼晨風陸璣疏晨風鷗也似鷗青黃色燕頷勾喙向風搖翅乃因風急疾擊鳩鴿燕雀食之又云隼鷗屬齊人謂之擊征或謂之題肩考

異郵謂陰陽氣貪故題肩擊宋均曰題肩有爪芒為陰中陽故擊殺也急就注曰鄭康成以擊征為鷹失之矣一曰隼遇懷胎之鳥即勿擊故隼憫胎義也

翠竦

呂覽肉之美者雋燕之翠高誘曰鳥名翠竦

渠梁

列精

毛詩疏義鶴鴒水鳥一名渠梁大如鷓鴣雀長毛尖喙背上青灰色腹下白頸下黑如連錢故桂

陽謂之連錢詩輯名雪姑類考一名列精一名錢母禽經云鵲鴿共母者飛鳴不相離詩人取以喻兄弟相友之道也

开零 石檄

纂文鶴施石檄开零皆野鴨沒食曰鶴長頸曰施多白曰开零山間曰石檄

負金 背竈

陸璣云鸛鸛雀也似鴻而大長頸赤喙白身黑尻翅巢大如車輪卵如三升杯望見人按其

子令伏徑舍去一名負金一名背竈一名旱羣泥其巢一旁爲池含水滿之取魚置池中稍稍以食其雛殺其子一村致災旱喜負日而飛日色如金故曰負金也形接而懷卵伏卵時數入水卵冷則不孕取礪石周圍繞卵以助煖氣生子三一爲鶴一說周思方幼時見一雀彈傷取養之俟其愈縱之後數日聞有物擊扉啓視之乃向之雀也背負金串卸於地串上結紙書云始於博士終於大夫後果然故呼雀曰負金



鴟

爾雅鴟

歡

鴟

團

鴟

福

鴟

柔

如鴟短尾射之啣矢

射人郭璞贊曰鴟鴟之鳥一名鴟鴞應絃銜鏑矢不著地逢蒙縮手養由不睨邢昺疏鴟古隋字言鳥捷勁雖鴞亦情

忌欺

博物志鴟鴞晝目無所見夜則目至明人截爪甲棄露地此鳥夜至其家拾取爪分別視之則知有吉凶者輒便鳴其家有殃莊子曰鴟鴞夜

撮蚤察秋毫末晝瞑目不見丘山纂文曰一名忌欺白日不見人夜能食蚤虱也蚤爪音相近俗人云鴟鴞拾爪甲相其吉凶妄說也

運日

陰諧

同力

說文鴟一名運日廣雅鴟雄曰運日雌曰陰諧淮南子曰運日知晏陰諧知雨寰宇記鴟一名同力劉子曰天將雨也纖塵不動而鴟日鳴狀如雞高三尺好食蛇俾雅云鴟似鷹而紫黑喙長七八寸作銅聲食蝮蛇蛇入口即爛屎溺着

木亦爛惟犀角可解其毒故有鳩處必有犀也

却

魯連子南方有鳥名曰却圭生而食其生

燭夜

燭夜雞也見崔豹古今注

載丹

載丹丹雞也見本草經

長離

長離見相如賦急就注長離靈鳥名孔爵之狀

也

伯趙 博勞

詩七月鳴鵙易林云鵙必單棲毛傳鵙伯勞左

傳謂之伯趙飛不翱翔直刺而已形如鸛鶴而

喙黑一名博勞論衡云博勞食蛇升庵云亦能

搏擊鷹隼於林陳思王惡鳥論百勞五月鳴應

陰氣之動陽氣為仁義陰氣為殘賊或曰血可

昏金其聲鵙鵙故以音名古今諺鄭志道論俗

編云伯勞食母代代相成然則食母不止梟矣

剖葦

爾雅鳩鷓鴣剖葦郭璞云好剖葦皮食其中蟲  
江東呼為蘆虎似雀埤雅云剖葦青斑長尾

訓狐 渠逸

訓狐按草木子云惡鳥也鳴則後竅應之玄中  
記姑獲一名天常少女好取人小兒養之有女  
子之家則點血其衣以為誌荆楚歲時記姑獲  
一名勾星衣毛為鳥脫毛為女夜鳴聞則有換  
犬耳滅燭禳之夷堅志謂之渠逸蓋鬼車鳥也

周禮秋官曰砮蒺音摘天氏掌覆天鳥之巢以

方書十日之號自甲至癸十有二辰之號自子至亥十有

二月之號自卯至茶十有二歲之號自攝提格至赤奮若二十

有八星之號自角至軫縣其巢上則去之注云天鳥

訓狐鬼車之類陰陽邪氣所生也見則不祥又

云正氣所萃妖邪不能自存也丘氏曰鵲忌庚

燕避戊巳虎豹知衝破鵲作巢避太歲以此觀

之周公不虛言也

錯落

唐韻注鶻鵒一身九頭九尾逆毛一名錯落

阿濫堆

阿濫堆驪山鳥也故明皇采其聲爲曲段成式謂此鳥色黃一變之鶻色如鶯鶯鶻轉之後乃至累變臆前漸白云

馮霄

拾遺記蒼梧有鳥吐五色氣名曰馮霄銜土成墳積珠成瓏其珠輕細如塵風吹塵起名珠塵  
搖光

天祿閣外史扶桑之野有鳥曰搖光感日之精千歲一孕其形如龜

飛廉

飛廉三輔黃圖謂神禽也能致風氣身似鹿頭如雀有角而蛇尾文如豹郭璞云蜚廉龍雀也焦氏筆乘云飛龍鳥名鳳頭龍尾其文五色以象五方一名飛廉一名龍雀漢銅鑄其象以彰瑞應明帝至長安迎取飛廉天馬置平樂館按赫連勃勃造刀名曰龍雀取是義也又楚辭說

後飛廉使奔屬飛廉風伯也

### 金吾

金吾顏師古云鳥名也主辟不祥職主先導執此鳥之象因以名官詩類考金吾形似美人首尾似魚有兩翼其性通靈不寐故用儆巡應劭曰執禦也典執金革以禦非常也揚雄執金吾箴有云吾臣司金敢告執璜按此則金吾非鳥而應說亦非無謂姑識之以俟並攷

### 卑居

周禮注鳥謂卑居鵲之屬疏正義云鶯卑居又名雅鳥續博物志以卑居爲楚鳥

### 催歸

### 買銳

催歸按說文蜀王望帝淫其相妻以慙死化爲子雋鳥又名杜鵑子鵑杜宇子規周鸞催歸秭歸揚雄傳注鷓鴣一名買銳韋一名子規一名杜鵑常以立夏鳴則衆芳歇按華陽國志曰杜宇稱帝會有水災其相開明決玉壘山以除害帝遂委以政事升西山隱焉時適二月子鵑鳥

鳴故蜀人每聞子鵠輒悲而思之據此則皆君  
臣皆賢者鵠非帝所化亦無淫事微常璩則其  
冤永不白矣特表而出之

### 重明

拾遺記祗支之國獻重明之鳥一名雙睛言雙  
睛在目狀如雞鳴似鳳時解落毛羽以肉翮而  
飛能搏逐猛獸虎狼使妖災羣惡不能爲害節  
以瓊膏或一歲數來或數歲不至國人莫不灑  
掃門戶以望重明之集其未至時國人或刻木

鑄金爲此鳥之狀置戶牖間則魍魎類自然退  
伏今人每歲元日或刻木鑄金或圖畫爲雞於  
牖上此遺像也

### 唐屠

### 白唐

唐屠鷲

激又音叫

似鳥見玉篇酉陽雜俎曰白唐一

變爲青鵠而帶灰色鵠轉之後乃至累變橫理  
轉細臆前微微漸白又曰白唐唐者黑色也謂  
斑上有黑色一變爲青白鵠按卽阿濫堆也其  
名不一聊復著之

青翅

黃眸

青冥

金距

四者茂陵少年李亨逐雉兔之鷹鷄名也見西京雜記

商羊

家語齊有一足之鳥飛公朝下於殿前舒翅而跳齊侯遣使訪於孔子孔子曰此鳥名商羊昔兒童有屈其一脚振訊兩臂而跳且謠曰天將大雨商羊起舞今齊有之其應將至有水爲災批頰

丹鉛錄云唐盧延遜詩樹上詔訊批頰鳥王半山詩藉草聽批頰元人詩批頰穿林叫新綠韓致元詩城頭批頰伴啼鳥批頰鳥名不詳何狀或卽鴨鳩也仁謂批頰可對題肩

庸渠

庸渠似鳧灰色而雞脚一名帝渠一名草渠

流離

破鏡

流離陸璣云梟也自關而西謂梟爲流離其子適長大還食其母說文梟不孝鳥也日至捕梟

磔之以頭挂木上今以挂首爲梟漢儀夏至賜百官梟羹欲絕其類也梟附土塊爲兒破鏡抱毒樹果爲子子成父母皆遭其食生理怪誕見諸楞嚴經然則梟與鏡始未嘗食父母蓋土塊毒樹果蒙其氣化而食梟鏡耳厲哉梟鏡之氣也

交目

埤雅鵠長目睛交故號鵠鵠一名交目一名鵠  
鷓一名鷓鴣額

扶老

禽經扶老強力張華注扶老秃鷓也大者高六七尺善與人鬪好啖蛇脯一作食之益人氣  
力走及奔馬埤雅鷓狀如鶴性貪惡長頸赤目毛辟水毒

姑惡

東坡禽言姑惡姑惡姑不惡妾命薄君不見東海孝婦死作三年乾不如廣漢龐姑去却還公自注云姑惡水鳥也俗云婦以姑虐死故如其



聲

鴻豹

鴻豹見易林鴻一名鴻豹謂鴻能食鴻也郭璞云鴻毛有豹文一名獨豹陸佃云鴻性羣居如鴈而有行列連蹄不喜樹止性最淫逢鳥則與之交其字畫七十鳥為鴻為其多鳥相交之故也今俗呼娼母曰老鴻曰鴻兒取此

澤虞

爾雅云鷺紉澤虞郭璞云今媯澤鳥似水鷺蒼

黑色常在澤中見人輒鳴喚不去有象主守之

官因各俗呼護田鳥說文云媯媯音戶聲類云

媯媯戀惜也以此鳥戀惜池澤見人不去因各

媯澤鳥也郭又云鶉鷓一名洵河一名鳩禽經

云方目其名鳩山海經云鶉胡似鶉而人足胸

中有肉二塊大如拳飲水數斗一作升而不足好

沉水食魚一名洿澤莊子云魚畏鶉鷓以能竭

澤也陸璣云形如鶉而極大喙長尺餘直而廣

口中正赤頷下胡大如數升囊若小澤中有魚

便羣共杼水滿其胡而棄之令水竭盡魚陸地  
乃共食之故曰淘河

### 黃禍侯

本草斑鳩春分則化爲黃禍侯埤雅云鸚大如  
斑鳩綠色所鳴其民有禍一名黃禍侯雛所化  
也俗呼車載板草木疏云賈生所賦鵬鳥是也

### 屬玉

遊獵賦駕鸞屬玉三輔黃圖云屬玉似鷓鴣一  
曰似鴨而大長頸赤目紫紺色

### 山梁

七發云山梁之餐注云雌雉也

### 信天翁

信天翁滇中鳥名食魚而不能捕俟魚鷹所得  
偶墮者拾食升庵云

### 碧繼翁

碧繼翁鷺也見桂萱錄東坡呼爲雪兒李昉名  
雲客

### 菽子

酉陽雜俎鷹巢一名敢鄒鷹呼敢子者雛鷹也  
乾吉

列女傳南方有鳥名曰乾吉食其子不擇肉子  
常不遂

帝江

王融曲水序召鳴鳥於弇州追伶倫於嶰谷發  
參差於王子傳妙靡於帝江注云天山有神鳥  
識歌舞也名曰帝江

舖鼓

舖鼓鳥名馱也說文

溷章

溷章鳥名七發云溷章白鷺孔雀鸚鵡

脆脰 奧

脆脰音脆奧皆鳥藏名說文云脆一曰鳥脆脰

脰鳥胃一曰五藏總名禮曰鷄肝鴈腎搗奧鹿  
胃鄭玄云奧脾也

山菌子

山菌子鳥名生江東山林間如小鷄無尾見應

庵隨筆

決雪兒

國史補唐申王有高麗赤鷹岐王有北山黃鶻  
皆俊健無敵每上出獵則擎在駕前明皇賜號  
決雪兒

公蕢

均藻云公蕢翡翠名方言

竹林

紫桃軒雜綴杜少陵七歌之四曰嗚呼四歌兮

歌四奏竹林爲我啼清晝竹林本身名同州有  
之色正青如雀善啼杜老本用此後注者乃改  
作材猿不讀萬卷不行萬里可輕窺少陵耶

西

西

